

东坡全集

第三函
十一册

東坡集卷之七十三

詩

眉山蘇軾東坡氏著

古今體六十一首

辛丑十一月十九日既與子由別於鄭州西門之外馬上賦詩一篇寄之

不飲胡爲醉兀兀此心已逐歸鞍發歸人猶自念庭闈今我何以慰寂寞登高回首坡隴隔惟見烏帽出復沒苦寒念爾衣裘薄獨騎瘦馬踏殘月路人行歌居人樂僮僕怪我苦悽惻亦知人生要有別但恐歲月去飄忽寒燈相對記疇昔夜雨何時聽蕭瑟君知

此意不可忘慎勿苦愛高官職

和子由澠池懷舊

人生到處知何似應似飛鴻踏雪泥泥上偶然留指爪鴻飛那復
計東西老僧已死成新塔壞壁無由見舊題往日崎嶇還記否路
長人困蹇驢嘶

太白山下早行至橫渠鎮書崇壽院壁

馬上續殘夢不知朝日昇亂山橫翠幃落月淡孤燈奔走煩郵吏
安閒媿老僧再遊應眷眷聊亦記吾曾

石鼻城

平時戰國今無在陌上征夫自不閒北客初來試新險蜀人從此
送殘山獨穿暗月朦朧裏愁渡奔河蒼茫間漸入西南風景變道
邊脩竹水潺潺

九月二十日微雪懷子由第二首

岐陽九月天微雪已作蕭條歲暮心短日送寒砧杵急冷官無事
屋廬深愁腸別後能消酒白髮秋來已上簪近買貂裘堪出塞忽
思乘傳問西琛

其一

江上同舟詩滿篋鄭西分馬涕垂膺未成報國慙書劔豈不懷歸

畏友朋官舍渡秋驚歲晚寺樓見雪與誰登遙知讀易東窓下車
馬敲門定不應

病中聞子由得告不赴商州三首

病中聞汝免來商旅鴈何時更著行遠別不知官爵好思歸苦覺
歲年長著書多暇真良計從宦無功謾去鄉惟有王城最堪隱萬
人如海一身藏

其二

近從章子聞渠說苦道商人望汝來說客有靈慙直道逋翁久沒
厭凡才夷音僅可通名姓瘦俗無由辨頸顙答策不堪宜落此上

書求免亦何哉

其三

辭官不出意誰知敢向清時怨位卑萬事悠悠付杯酒流年冉冉
入雙髭策曾忤世人嫌汝易可忘憂家有師此外知心更誰是夢
魂相覓苦參差

守歲

欲知垂盡歲有似赴壑蚺脩鱗半已沒去意誰能遮況欲繫其尾
雖勤知柰何兒童強不睡相守夜謹譁晨雞且勿唱更鼓畏添槌
坐久燈燼落起看北斗斜明年豈無年心事恐蹉跎努力盡今夕

少年猶可誇

鳳翔八觀

并叙

鳳翔八觀詩記可觀者八也昔司馬子長登會稽探禹穴不遠千里而李太白亦以七澤之觀至荊州二子蓋悲世悼俗自傷不見古人而欲一觀其遺迹故其勤如此鳳翔當秦蜀之交士大夫所朝夕往來此八觀者又皆跬步可至而好事者有不能徧觀焉故作詩以告欲觀而不知者

石鼓

冬十二月歲辛丑我初從政見魯叟舊聞石鼓今見之文字鬱律

蛟蛇走細觀初以指畫肚欲讀嗟如箝在口韓公好百生已遲我

今況又百年後強尋偏旁推點畫時得一二遺八九我車既攻馬

亦同其魚維鯁貫之柳

其詞云我車既攻我馬既同又云其魚維鯁何以貫之維楊與柳惟此六

句可讀餘皆不可通

古器縱橫猶識鼎衆星錯落僅名斗糲糊半已似瘕

胝詰曲猶能辨跟肘娟娟缺月隱雲霧濯濯嘉禾秀葦莠漂流百

戰偶然存獨立千載誰與友上追軒頡相唯諾下揖冰漸同穀穀

憶昔周宣歌鴻雁當時籥史變蝌蚪厭亂人方思聖賢中興天爲

生耆耆東征徐虜闕虓虎北仗犬戎隨指噉象骨雜沓貢狼鹿方

邵聯翩賜圭鹵遂因鼓鼙思將帥豈爲考擊煩蹂躪何人作頌此

崧高萬古斯文齊岫嶺動勞至大不矜伐文武未遠猶忠厚欲尋
年歲無甲乙豈有名字記誰某自從周衰更七國竟使秦人有九
有掃除詩書誦法律投棄俎豆陳鞭杻當年何人佐祖龍上蔡公
子牽黃狗登山刻石頌功烈後者無繼前無偶皆云皇帝巡四國
烹滅強暴救黔首六經既已委灰塵此鼓亦當遭擊剖傳聞九鼎
淪泗上欲使萬夫沉水取暴君縱欲窮人力神物義不汙秦圻是
時石鼓何處避無乃天公令鬼守興亡百變物自閒富貴一朝名
不朽細思物理坐歎息人生安得如汝壽

王維吳道子畫

何處訪吳畫普門與開元開元有東塔摩詰畱手痕吾觀畫品中
莫如二子尊道子實雄放浩如海波翻當其下手風雨快筆所未
到氣已吞亭亭雙林間彩暈扶桑暉中有至人談寂滅悟者悲涕
述者手自捫蠻君鬼伯千萬萬相排競進頭如龍摩詰本詩老佩
芷襲芳蓀今觀此壁畫亦若其詩清且敦祇園弟子盡鶴骨心如
死灰不復溫門前兩叢竹雪節貫霜根交柯亂葉動無數一一皆
可尋其源吳生雖妙絕猶以畫工論摩詰得之於象外有如仙翩
謝籠樊吾觀二子皆神俊又於維也歛衽無閒言

維摩像唐楊惠之塑在天主寺

東坡集卷二十三
昔者子輿病且死其友子祀往問之跼蹐鑒井自嘆息造物將安
以我爲今觀古塑維摩像病骨磊鬼如枯龜乃知至人外生死此
身變化浮雲隨世人豈不頑且好身雖未病心已疲此叟神完中
有持談笑可却千熊羆當其在時或問法俛首無言心自知至今
遺像兀不語與昔未死無增虧田翁俚婦那肯顧時有野鼠啣其
髭見之使人每自失誰能與結無言師

真興寺閣

山川與城郭漠漠同一形市人與鷗鵲浩浩同一聲此閣幾何高
何人之所營側身送落日引手攀飛星當年王中令斫木南山頽

寫真閣下鐵面眼有稜身強入九尺與閣兩崢嶸古人雖暴恣
作事今世驚登者尙呀喘作者何以勝曷不觀此閣其人勇且英

李氏園

朝遊北城東回首見脩竹下有朱門家破牆圍古屋舉鞭叩其戶
幽響答空谷入門所見夥十步九移目異花兼四方野鳥喧百族
其西引溪水活活轉牆曲東注入深林林深窓戶綠水光兼竹淨
時有獨立鵲林中百尺松歲久蒼鱗蹙豈惟此地少意恐關中獨
小橋過南浦夾道多喬木隱如城百雉挺若舟千斛陰陰日光淡
黯黯秋氣蓄盡東爲方池野雁雜家鶯紅梨驚合抱映島孤雲馥

春光水溶漾雪陣風翻撲其北臨長溪波聲捲平陸北山臥可見
蒼翠間礪禿我時來周覽問此誰所築云昔李將軍負嶮乘衰叔
抽錢算間口但未摧羹粥當時奪民田失業安敢哭誰家美園圃
籍沒不容贖此亭破千家鬱鬱城之麓將軍竟何事蟣蝨生刀韞
何嘗載美酒來此駐車轂空使後世人聞名頸猶縮我今官正閒
屢至因休沐人生營居止竟爲何人卜何當辨一身永與清景逐

秦穆公墓

橐泉在城東墓在城中無百步乃知昔未有此城秦人以泉識公
墓昔公生不誅孟明豈有死之日而忍用其良乃知三子徇公意

亦如齊之二子從田橫古人感一飯尙能殺其身今人不復見此
等乃以所見疑古人古人不可望今人益何傷

是日自礪溪將往陽平憇於麻田青峰寺之下院翠麓亭

不到峰前寺空來渭上村此亭聊可喜脩徑豈辭捫谷映朱欄秀
山含古木尊路窮驚石斷林缺見河奔馬困嘶青草僧留薦晚餐
我來秋日午旱久石牀溫安得雲如蓋能令雨瀉盆共看山下稻
涼葉晚飜飜

和子由記園中草木

荒園無數畝草木動成林春陽一已敷妍媸各自矜蒲萄雖滿架

困倒不能任可憐病石榴花如破紅襟葵花雖粲粲蒂淺不勝簪
叢蓼晚可喜輕紅隨秋深物生感時節此理等廢興飄零不自由
盛亦非汝能

其二

蘆筍初似竹稍開葉如蒲方春節抱甲漸老根生鬚不愛當夏綠
愛此及秋枯黃葉倒風雨白花搖江湖江湖不可到移植苦勤劬
安得雙野鴨飛來成畫圖

其三

野菊生秋澗芳心空自知無人驚歲晚唯有暗蛩悲花開澗水上

花落澗水湄菊衰蛩亦蟄與汝歲相期楚客方多感秋風詠江蓠
落英不滿掬何以慰朝饑

大秦寺

晃蕩平川盡坡陁翠麓橫忽逢孤塔迴獨向亂山明信足幽尋遠
臨風却立驚原田浩如海袞袞盡東傾

仙遊潭

翠壁下無路何年雷雨穿光搖巖上寺深到影中天我欲然犀看
龍應抱寶眠誰能孤石上危坐試僧禪

其二

唐初傳有此亂後不畱碑畏虎關門早無村得米遲山泉自入甕
野桂不勝炊信美那能久應學先忍饑

愛玉女洞中水既致兩甕恐後復取而爲使者見給因破竹
爲契使寺僧藏其一以爲往來之信戲謂之調水符

欺謾久成俗關市有契繻誰知南山下取水亦置符古人辨淄澠
皎若鶴與鳬吾今旣謝此但視符有無常恐汲水人知出符之餘
多防竟無及棄置爲長吁

自仙遊回至黑水見居民姚氏山亭高絕可愛復憇其上
山鷗曉辭谷似報遊人起出門猶屢顧憐若去吾里道途險且迂